

Sanela Pekić, dipl. socijalni radnik - Magistarski rad

Fakultet/Akademija	EDUKACIJSKO REHABILITACIJSKI FAKULTET
Tip Rada	Magistarski rad
Kandidat, zvanje	Sanela Pekić, dipl. socijalni radnik
Naziv Teme	Uticaj socijalnih faktora na recidivizam ovisnika o heroinu
Rezime/Abstract	<p>U Bosni i Hercegovini ne postoji mnogo istraživanja o uzrocima recidiva ovisnika o psihoaktivnim supstancama, iako je poznato da je recidiv uobičajena odlika ovisnosti i višestruke epizode tretmana su uobičajene prije nego je ovisnik sposoban da vodi trezven život. U ovom istraživanju fokus će biti usmjeren na uticaj socijalnih faktora na nastanak recidiva ovisnika o heroinu koji su bili uključeni u tretman u terapijskoj zajednici, kao i na povezanost između podrške socijalnog okruženja, zadovoljstva kvalitetom života i nastanka recidiva. Za potrebe istraživanja pod recidivom se podrazumijeva ponovna svakodnevna upotreba heroina nakon perioda apstinencije koji je trajao duže od mjesec dana. Uzorak je sačinjavalo 80 ispitanika muškog spola. Eksperimentalnu grupu je sačinjavalo 40 muških ovisnika o heroinu koji su bili uključeni u tretman u terapijskoj zajednici i napravili su recidiv heroinom. Ispitanici su bili uključeni u program smanjenja štete Udruženja PROI iz Sarajeva. Kontrolnu grupu je sačinjavalo 40 muških ovisnika o heroinu koji su uspješno završili rezidencijalni jednogodišnji tretman u JU "Terapijskoj zajednici Kampus" Kantona Sarajevo i koji su u vrijeme ispitivanja bili u apstinenciji. Prebivalište ispitanika je Kanton Sarajevo. Za potrebe ovog istraživanja su se koristila tri upitnika: prilagođeni Pampidou upitnik (The Pampidou Definitive Protocol developed by the Pampidou Group of Epidemiology Experts (Hartnoll, 1994)), Upitnik Svjetske zdravstvene organizacije o kvaliteti života - WHOQOL- BREF i Inventar procjene socijalne okoline (Community Assessment Inventory - CAI, Brown, B.S., O'Grady, K.E., Battjes, R.J. i Katz, E.C. (2004)). Ovim radom je potvrđeno da apstinenti imaju statistički značajno veću socijalnu podršku članova porodice s kojima žive ($U=412, p=.002$), podršku prijatelja ($U=516, p=.006$) i društvene zajednice ($U=534, p=.01$) nego recidivisti. Rezultati istraživanja su pokazali da postoji statistička značajna razlika ($t(78)=9.20, p<.001$) između apstinenata ($M=94.28, SD=8.23$) i recidivista ($M=75.50, SD=9.94$) u kvaliteti života. Ispitanici koji apstiniraju imaju viši nivo kvaliteta života u odnosu na recidiviste. Istraživanje je, također, pokazalo da ovisnici sa višim nivoom obrazovanja imaju viši nivo kvaliteta života. Istraživanje je pokazalo da postoji statistički značajna razlika između onih koji su zaposleni i onih koji nisu. Oni koji su zaposleni pokazuju viši stepen zadovoljstva kvalitetom života. Kada su izvršena poređenja prema radnom statusu u kvaliteti života unutar svake od grupa - apstinenata i recidivista, razlike u kvaliteti života nisu pronađene. Unatoč tome, zanimljiv podatak jeste činjenica da je procentualno više zaposlenih u grupi apstinenata (55%) nego u grupi recidivista (27.5%). Rezultati istraživanja ukazuju na činjenicu da su apstinenti bili voljniji da potraže pomoć pri održavanju apstinencije od nevladinih organizacija, socijalnih i zdravstvenih institucija nego recidivisti. Postoji statistički značajna razlika između apstinenata i recidivista samo kada je u pitanju zadovoljstvo uslugama socijalnih ustanova, i to na način da su apstinenti bili zadovoljniji od recidivista. Ključne riječi: ovisnost, heroin, recidiv, socijalna podrška, kvalitet života, terapijska zajednica</p>
Datum	13.12.2017
Predsjednik	Dr. sc. Edin Muftić, docent za užu naučnu oblast „Poremećaji u ponašanju“ ,Edukacijsko-rehabilitacijski fakultet Univerziteta u Tuzli
Mentor	Dr. sc. Hariz Šarić, vanredni profesor za užu naučnu oblast „Posebna područja socijalnog rada“, Filozofski fakultet Univerziteta u Tuzli
Član komisije	Dr. sc. Lejla Kuralić-Čišić, docent za užu naučnu oblast „Poremećaji u ponašanju“, Edukacijsko-rehabilitacijski fakultet Univerziteta u Tuzli
Član komisije	-
Član komisije	-
Zamjenski član	Dr.sc. Meliha Bijedić, vanredni profesor, uža naučna oblast „Poremećaji u ponašanju“ na Edukacijsko-rehabilitacijskom fakultetu Univerziteta u Tuzli
Dodatni detalji i lokacija	dana 13.12.2017. godine u Sali za sjednice Edukacijsko-rehabilitacijskog fakulteta Univerziteta u Tuzli sa početkom u 11.00 sati
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.